

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Epistolarvm [epistolarum] D. Philippi Melanchthonis  
Farrago**

**Melanchthon, Philipp**

**Basileae, 1565**

**VD16 -M3220**

Clarissimo uiro,D.Georgio Sabino,genero suo charissimo, in Academia  
Francofordiana professori,&c

[urn:nbn:de:bsz:31-312770](#)

Reuerendo uiro D. Georgio Buchholz  
zero, amico suo, S. D.

Reuerende uir, & amice charissime. Est omni-  
nino uirtus ingēs, & quam Deus uult intelligi, gra-  
titudō: & composita est ex duabus summis uirtutib-  
us, ex ueritate & iusticia. Veritas profitetur, unde  
sit acceptum beneficium: iusticia obligat nos ad  
mutua officia. Sic nos profiteamur bona à Deo acci-  
pere, & uicissim ei obediamus. Hanc uirtutem, gra-  
titudinem, comperi esse in Stanhusio, qui ualde lan-  
dat uestram erga se beneficentiam. Et gratiam uo-  
bis ipsius nomine habeo. Si discedet, commendabo  
uobis honestum & doctum hominē, natum in Mar-  
chia, in oppido Rupin, N.N. Et ipse ad uos acce-  
det, cùm primum iter facere poterit niuibis resolu-  
tis. Audio huc uenturam esse illustrissimam domi-  
nam Principem, socrum Ducis Prussiaci: & addu-  
cluram esse Brentium, ut cōciliatio de dogmate O-  
siandri fiat. Pagellas uobis mitto, & peio ut illu-  
striſſimo Principi etiam suas tradatis. Bene & feli-  
citer ualete. Calend. Februarij, Anno 1554.

Philippus Melanchthon:  
Clarissimo uiro, D. Georgio Sabino, ge-  
nero suo charissimo, in Academia  
Francofordiana professo-  
ri, &c.

S. D. Certissimum est, Deo cura esse fami-  
lia

lias inuocantes eum. Quare te ex tuos hactenus clementer protexit: & ut deinceps te ex tuos protegat, toto eum pectore oro. Oro etiam, ut hic reditus tuus in patriam, tibi ac tuis faustus sit. Spero te tranquillus in his locis uicturum esse, quam in illa aurifabri tyrannide, siveiori quam fuit siguli Agathoclis tyrannis. Literas a te expecto & flagito. Nunc tibi commendo adolescentem nobilem, natum in familia Pomeranica, honesta & splendida, Ebal dum Blucher, ualde ingeniosum & modestum, qui recte didicit Grammaticen & Dialecticen, & Latinè mediocriter scribit, & amat eloquentie & historiarum studia. Expedit & familiariatem tuam stili causa, ut tuo iudicio formet orationem: ac pater vir honestus, ualde te orat, ut habitationem filio in eisdibus tuis, & mensam tribuas: et pollicetur se gratu fore. Id si fieri non poterit, agas cum Christophoro Pannonio. De pecunia, scito me nihil ex aula Sigismundi accepisse: nec ualde contendi, cum te expectaremus. Bene & feliciter uale, & rescribe. Die 18 Aprilis.

Philippus Melanchthon.

Venerando uiro, Georgio Buchholzero, amico suo charissimo,

S. D. Venerande Domine Georgi. Mitto illius  
D. 4 strißimo